

Cracoviensis Studior. Univ. Jagell.

Promotiones Ordinis Philosophorum

1759. 15^o Ibris.



3599 kat.komp

III.

Mag. St. Dr.

P

Likuboni Adalb. Vincentii: Fructus philoso-
phici honoris authenticos ex Jagellonica
campo collectis.



FRUCTUS
PHILOSOPHICI HONORIS
AUTUMNALES,
EX JAGELONICO CAMPO
COLLECTI.

ET DUM

V. V.V. D.D. PRIMÆ LAUREÆ CANDIDATI
PRÆVIO RIGIDO EXAMINE

AB

ILLUSTRI CLARISSIMO & Admod: REVERENDO DOMINO

D.M. ANTONIO
CZERCHAWSKI,

Philosophiæ DOCTORE, ejusdemq; ac Cursûs Vladislaviani PRO-
FESSORE, Collega Minore, Ecclesiarum; Collegiatae Sanctæ
ANNÆ Cracoviæ CANONICO, Sancti ADALBERTI in Cir-
culo Cracoviensi PRÆPOSITO.

publicè ex Cathedra

PRÆSENTE MAGNORUM HOSPITUM CONCURSU,
Artium Liberalium & Philosophiæ BACCALAUREI crearentur;
Eruditæ Eorum in præmium Virtuti

PER

ADALBERTUM VINCENTIUM KIKULINUS

Patritium Cracoviensem, Ejusdem Laureæ Candidatum.

Mutua Fraternali Contestationis ergo

sub Forma Poëtica

OBLATI.

Annò quò

Atra fames mortis dum Mundum preffit acerbè,
Arbore de Vitæ decerpfit Poma Salutis.

1759. Die 15 Mensis. 9bris.

C R A C O V I Æ.

In Typographia Seminarii Episcopalis Academici.



B. IOANNES CANTIUS Polonus, SS. Thic.
in Universitate Cracoviensi Doctor, et Pro-
fessor, Presbyter Secularis, Miraculis Clarus.

Paulus Gdrzeiowski sc. Zamecki

Effigies DIVI quam cernis sculpta Patroni
Exemplar vivum religionis adest.
Conspicit Ille Pius CHRISTUM puramq; MARIAM,
Edocet, inflexos ad sua vota Deos
Ut quivis habeat, mens sit pia, corde feratur
Ad Cælum puro, gratia semper erit.

BIBLIOTHECA
UNIV. IAGEL.
CRACOVIENSIS

3599 III

SERVATORI

JAGELONICI CAMPI,

DIVINISSIMO

JOANNI

CANTIO,

REGNI POLONIÆ, & MAGNI DUCATUS LITHVANIÆ

PRINCIPALI PATRONO,

ALMÆ UNIVERSITATIS CRACOVENSIS

PATRIARCHÆ.

Litantur piæ precationis Fructus cum Lemmate:

Autumnant semper in Anno.

Post peractos dum rigidos labores,
Solis æstu quos tulimus maligno;
Ad capeßendos meritorios in
Palladis arvo

Uberes fructus properamus, atq;
Et Tibi Rori Charitum benigno
Fructibus de tot decimas litamus

DIVE JOANNES.

Idq; fructus hos ferimus Clientes
Ad PATREM Te, quos pietate cordis
In dies nostrum studiosa cultu

Multiplicat mens.

Hos litamus, qui gravitant in Anno
Semper autumnant, titubando nunquam,
Omnis ex his ut Tibi grata DIVE

Victima fiat.

Arti-

Artifex rerum fabricavit hortos
Mira quos natura, tulit vireta,
Quosq; vel fecit fruticare ramos,

Non Tibi tales
Mens sacrat nostrum, spatiò brevî qui
Decidunt, nullos generando fructus,
Et licet quosdam pariant, sed unquam
Non sine fūco.

Vanitas sunt hæc, simulatioq;
Nulla devoti species amoris,
Gustui tanto minimè quadrarent

Relligioso.
Pandimus mentem Tibi DIVE nostram
Cordis arcanum referamus imi,
Hostiæ fructus, damus hîc Tibi quas,
Sunt pia vota.

His preces ad Te ferimus profundas,
Velle digneris Jagelonicos hos
Gratiis fructus Superum juvare

Grate JOANNES.
Fructus hic quem nunc legimus decoris,
Mentis ornatus studiîq; pulcher
Est, tamen pallet, Tua si benigna
Gratia desit.

Laureatorum Pater es Virorum,
Frontium pulchrè renitentiumq;
Es Decus summum, recolunt enim Te
Omnia talem.

Qui Tui gratos radios in omnes
Spargis, & plenos precibus favores
Influis, quivis ferat ut secundos

Te PATRE fructus.
Vera det Regnum documenta Lechi,
Exteræ dicat regionis agmen,
Quanta de Cælo tribuis favorum

Alme Patrone.

Omni-

Omnibus verbô numerosa præstas
Dona, tum Mundum satias peramplum
Gratiis, ditas benedictione

Vota Clientum.

In Tui quondam specialis in Te
Est favor Matrem, refoves adusq;
Hanc, minas à qua cohibes malignas,
Laude coronas.

Ergò dum Tantum profitentur omnes
Ore devoto venerando Patrem
Te fui; nostrum quoq; non repelle

Hanc pietatem.

Quam Tuis Aris humiles litamus,
Et piis votis Tibi supplicamus:
Laureas nostras benedic, Paterno

Protege vultu.

Marceant nunquam in Jagelonis Aula,
Explicent semper meliora dotum,
Germinent fructus teneros honorum
Tempore quovis.

ILLUSTRIBUS CLARISSIMIS & Admodum REVERENDIS
DOMINIS.

EXAMINATORIBUS.

ILLUSTRI CLARISSIMO & Admod: REVERENDO DOMINO

M. ANTONIO CZERCHAWSKI,

Philosophiæ DOCTORI, ejusdemq; ac Cursus Vladislaviani
PROFESSORI, Collegæ Minori, Ecclesiarum, Collegiatæ San-
ctæ ANNÆ Cracoviæ CANONICO, Sancti ADALBERTI
in circulo Cracoviensi PRÆPOSITO, ac interea Facultatis
Philosophicæ DECANO.

ILLUSTRI CLARISSIMO & Admod: REVERENDO DOMINO

M. AMBROSIO BUSZYDŁOWSKI

Philosophiæ DOCTORI, ejusdemq; Regio, ac Lingvæ Gal-
licæ

licæ, Ordinario PROFESSORI, Collegæ Majori, Ecclesiarum
Collegiatarum; Sancti GEORGII in Arce Cracoviensi CU-
STODI Sanctæ ANNÆ SCHOLASTICO.

ILLUSTRI CLARISSIMO & Admod: REVERENDO DOMINO
M. ANDREÆ SZOPIARSKI,
Philosophiæ DOCTORI, & PROFESSORI, Collegæ Minori,
Ecclesiarum; Collegiatae Sanctæ ANNÆ Cracoviæ CANO-
NICO, Archipresbyteralis B. M. Virginis in circulo Craco-
vienti Radyminsciano PÆNITENTIARIO, Almæ Universita-
tis SYNDICO, Contubernii Regio-Jageloniani SENIORI.

OFFERTUR PERENNIS GRATITUDINIS FRUCTUS CUM LEMMATE.

Delectat, sapit, nutrit.

A Scende Præses Pierii jugi
Majestuosum nunc Solium Tuum,
Totumq; Parnasum vocare
Ad Tua jussa velis Apollo
Et Vos benignæ linquitè proprios
Musæ Penates, sistite singulæ,
Compareat tum Cætus omnis
Quidq; fovens Helicon celebris.
Princeps Apollo dulcisonam chelym
Tangat, bicolles profiliant nimis
Colles, ut horum nunc Virorum
Publica fama volet per Orbem.
Parnasus ingens dulce melos ferat,
Promanet altè Castalius latex,
Ut digna portet laude Metra
Ternio splendidus hic Sophorum.
Musæ canoræ ludite svāviter,
Pulchrè sonoris clangite tibiis,
Orbis sciat totus nitentes
Ingeniô, meritis potentes.
Quivis Eorum dotibus optimus,
Præcelsa virtus quemlibet approbat

Magnum

Magnum, decorum, laude dignum,
Elogiis gravibus colendum.

Matura mens est omnibus intima,
Fructus opimos parturiens simul

Tales, quibus gaudent amænè

Nomina prima Poli eruditi.

Dignus per amplis Ternio laudibus,

Delectat omnes ad sapientiam,

Altè sapit, tum nutrit æquè

Ingenium Juvenum in Lycæis.

Quæ sum locutus, singula fusiùs

Pluris pateſcant, carmine convenit

Iustus Cuivis consecretur

Ut valor & pretium perenne.

Occurris ergò primus acumine

Mentis profundus, Qui venerandus es

Princeps Sophorum Purpuratus,

Qui renites meritis onustus.

Dotes celebres quas animò refers,

Magnum canunt Te Palladis ad decus,

ANTONIUM, Regnum videris

Qui studii gravis ebibisse.

In Te niteſcit jam probitas pia,

Jam splendet almè compta modestia,

Et quidquid est fulgens, honestum,

Tu retines cumulum DECANUS.

Succedis almo carmine Præsidi

Laudandus, in Quo fidereus Polus

Ad mentis oblectationem

Plurima dona sui locavit.

Miratur Orbis Te docilem satis,

Et Stoa rarum Te stupeſcit intimè

AMBROSIUM, Qui pandis ultrò

Dogmata magna Sophus profundus.

Infractus extas in Cathedris, decus
Es grande Gentis Sarmaticæ, geris
Hæc quæ graves atq; elevatos
Et decet & juvat esse Patres.
Magnâ colendus laudis adorea
Es, Qui Polono natus in Hespero,
Sic exterâ linguâ places, ut
Gallia Te petat esse suum.
Post hos ades nunc ordine tertius,
Primis venis Qui dotibûs omnibûs
Par, es tot emensus labores
Palladis in studio Professor.
Matura Mens est fructificans Tua,
Quam prodit Orbi pulchra Scientia,
Mirè Patrum Qui singulorum
Corda moves, ut Amandus his sis.
Verbô: SZOPIARSKI partibûs omnibûs
Extas Vir almus consiliô arteq;,
Quem facta præcelsè decorant
Encomiis animus sat ornat.
Sed quid legendis laudibus immoror
Vestris? satis dum claudere carmine
Uno: quòd estis tot decori,
Quot numerat Polus Astra Cæli.
Hinc gesta Vestrum linquimus alteris
Laudanda, solùm pectore candido
Hæc reddimus, quæ gratitudo
Postulat ad referenda Vobis.
Hæc ergò grati munera pectoris
Patres habete: vivite tempora
Per multa læti, fors beata
Infinuetur in ampla sæcla.
Fructus honorum carpite congruos,
Quos celsa virtus Vestra petit, quoq;
Cælum pluat Vobis abundè
Aurea dona, precamur omnes.

FRU-

FRUCTUS
PHILOSOPHICI HONORIS
AUTUMNALES,
ERUDITÆ IN PRÆMIUM VIRTUTI
V. V.V. D.D. PRIMÆ LAUREÆ CANDIDATORUM

OBLATI.

I. V. D. THADÆO GAMRAT OKONSKI,

Offertur Fructus Cypressi cum Lemmate:

Semper honos Nomenq; Tuum.

Unde petam quæris si laudum thema Tuarum
OKONSKI? quonam concentu Te celebrabo?
Formandis metris doctos non consulo Vates,
Hac in re nolo doctas urgere Camænas.
Nomen & ingenium, tum virtus sufficiens sunt
Materies celsæ laudis Tuæ semper abunda.
Ordine quod primus sis, primo dignus honore
Palladis in Stoa, Quem clarus Sanguinis ortus
Exigit, illustris stirps commendat venerandum.
Sed quoniam virtute decet non sanguine niti,
Ad Musas veniens solidum stabilimen amandæ
Virtutis comptæ jecisti, nam Tua gesta
Omnia cum studio pleno probitate refulgent.
Floridus ingeniô polles, multoq; decore,
Sanguine præclarus, sic & virtute decorus,
Non Tyro sed Vir splendescis mente perita.
Eximiè fructus Cypressi quadrat opimæ
Dotibus almis Tuæ; Cypressus sicut amæna
Semper servatur, nunquam spoliata virore,
Audent quam nunquam ventî turbare furentes;
Sic Tua conspicitur virtus, mens & genus altum.
Semper honos Nomenq; Tuum servabitur Annos

C

Per

IV.
Per multos, foveas solummodò mente dicatum
Fructum, virtutem cuius sectare virentem.
Prosper & incolumis nunc vivas in decus almæ
Palladis & Patriæ majori laude beandus.

II. V. D. JOANNI ALOYSIO TREFLER,
PATRITIO CRACOVIE NSI,

Offertur Fructus Cedri cum Lemmate:

Pascit & oblectat.

Quos Tibi dem plausus? quas laudes carmine reddam?
Quodve canā Metrū, quod mens Tua pulchra reposcit?
Inclyta quod virtus meruit, studiosaq; cura?
Pro quibus his pulchris documentis nexa Corona
Redditur apta Tuæ Fronti placidè revirendo.
Quam teneris Annis ipso rationis ab usu
Quærebas vigilans, vultûs sudore refertus.
Innatam præter virtutem quâ renites Tuû,
Majorum summa dignorum laude Virorum,
Ut video Quorumq; sequi vestigia tendis;
Indolis eximiæ specimen fers atq; talenta
Talia, quæ poscunt ex sese præmia justa.
Hinc ego quâ methodô referam Tua munera tanta?
Nescio; tot tantas ergo moduletur amænè
Tuû dotes virtus generosior, & labor auctus.
Attamen in signum docti quem sumis honoris
Accipe pro voto Cedri cum lemmate fructum.
Floribûs ut Cedrus recreat, tum pascit abundè
Fructibûs, ast quoq; sic mentes animosq; Studentûm
Pascit & oblectat recipis quam Laurea docta.
Crede mihi Tua vota magis fructus recreabit
Hic, & Te nutriet magnos ad semper honores,
Si Tua Mens pulchrè cæpta probitate virebit.
Quod Tibi dum voveo, hæc affectu cordis amando
Apprecor: ut vivas ex omni parte beatus.

IV. V.

V.
Off

IV. V. D. JOANNI NEPOM: GAWORSKI,

Offertur Fructus Sorbi cum Lemmate:

Ætate maturat.

Non hîc materiæ quæro documenta notandæ,
Ex quibus ingenitæ Tibi doti dona referrem.
Est etenim facies virtutis viva, fidelis
Testis, quòd maneas laudabilis omnibus æquè,
Utpotè Quem Natura suis ornavit amænè
Dotibus, atq; lares Patrii nutrière decenter,
Artes Palladiæ studiis polière probatis,
Virtutes semper culta probitate nitentem
Fecerunt, quibus adjunctæ sunt Candor, honestas.
Moribus incedis comptus cunctis peramandus,
Quem pietas omnis sequitur moderatio pulchra,
Ingenium promptum, docilis mens concomitatur.
Omen adest de Te non vanum, Palladis almæ
Tempore quòd fies venturo gloria, fructus,
Si maturescant maturescantibus Annis
Indolis ista Tuæ pulchræ documenta JOANNES.
Laurea, quâ donat Te Pallas, fructus honoris
Est docti, cum quo jungo Tibi symbola sorbi.
Arboris est hujus fructus, qui tempore certo
Nonnisi perfectus, maturus redditur omnis.
Sic Tua mens fiat, progressu temporis apto
Ingenium polias studiosius, excole dotes
Pulchrius innatas, & sic ætate juvena
Cresces perfectus, maturus, tumq; decorus.
Vive modò sospes, lætus, mea Musa precatur.

V. V. D. JACOBO SZPADROWSKI,

Offertur Fructus Vitis necdum maturis uvis onustæ cum Lem:

Sese melioribus offert.

Jam quoq; docta suo sequitur Te carmine Musa
SZPADROWSKI, maneat licèt ultimus ordine, primis

C2 Abfi-

Absimilis non es, Quem prodit mentis acumen,
 Et probitas cunctis æqualem concelebrandum.
 Promptus inest animus tolerandi quosq; labores,
 Ingenium solers nullis turbatur adusq;
 Curis in studiis, quas lætus fuscipis exnunc,
 Alcidae similis dici, vel dexter Achilles
 Posses, qui nullum metuis pondus studiorum,
 Immò mente alacri suffers objecta laborum.
 Virtutes celsas sic consectaris, ut ex Te
 Concipiat non parva sui solatia Pallas,
 Quæ meritò justè confert Tibi laurea ferta.
 His igitur fertis dum frons Tua cingitur, atq;
 In signum tanti Tibi fructus cedit honoris,
 Nempè uvis necdum maturis Vitis onusta.
 Symbola sunt hujus Vitis pandentia pulchrè
 Gesta Tui, specimen cujus das sat manifestum.
 Hæc uvas nondum maturas sustinet, ast post
 Reddere promittit fructus multò meliores.
 Sic Tua Mens Juvenis quanquam documenta probata
 Jam dederit, meliora tamen curare necesse,
 Fructu majorum sic fies dives honorum.
 Quos Tibi maturos sincero corde precando,
 Opto simul: vivas non paucos prosper in Annos.

III. V. D. ADALBERTO VINCENTIO KIKULINUS,

PATRITIO CRACOVIE NSI

Ejusdem Laureæ Candidato,
 AUTHORI Operis.

V. D. THADÆUS GAMRAT OKONSKI,

Ejusdem Laureæ Candidatus,
 in vim reciproci Affectus

Offert Fructum Palmæ cum Lemmate: *Ad Omnia Utilis.*

Tempore non modico meditabar, mente revolvens,
 Arbore de quadam Tibi fructum carpere possim,

Dotibûs excelsis Tuî qui quadraret amissim.
Utpotè Qui dignus spectaris Nomine req;
Laudis distinctæ, meritîs distinctus Ephebus.
Urbs Craci clarum Quem Regia reddidit omni
Elogiô dignum; Cui Magnos semper in Orbem
Est generare Viros Sacris Patriæq; peramplos.
Sic & Te pariens ornavit dotibûs amplîs.
A quibus ut major Tibi sit laus, & decus alium;
Moribûs has Patriis ac comptis excoluisti,
Artibûs eximiis animum, mentemq; beâsti.
Sic ergò meditans VINCENTI reddere fructus
Qualesnam tenear? Qui Nobis carmina doctô
Scripsisti calamô, fructus tribuendo Cuivis
Distinctos; igitur distincta laude mereris
Omnibus à Nobis justô metrô celebrari.
Sed quoniam nequeam dignas Tibi solvere grates
Mutuus affectus quas poscit; colligo vota
Ergo Confratrum, fructum cum lemmate Palmæ
Qui referunt omnes semper viridantis amænè:
Virtus inest Palmæ, maneat quòd partibus illa
Utilis ex cunctis ad singula, fertilis omnis.
Indolis hæc cultæ Tuî signat symbola Palma,
Utilis en fueris quòd Musis omine certo.
Eveniant ut quæ successu temporis, atq;
Omnis honor faveat, constans fortuna sequatur
In multos Annos, optamus corde faventi.





Sub Felicissimis Auspiciis
MAGNIFICI PERILLUSTRIS & REVERENDISSIMI DOMINI
D. M. STANISLAI
MAMCZYNSKI,

Utriusq; Juris DOCTORIS & PROFESSORIS, ejusdemq;
Facultatis DECANI, Collegii Juridici SENIORIS PATRIS,
Ecclesiarum; Cathedralis Cracoviensis CANONICI, Colle-
giatæ S. MICHAELIS in Arce Cracoviensi DECANI, Paro-
chialis in Smarzowice CURATI, Contubernii Jurisperitorum
PROVISORIS, Librorum per Dioecesim Cracoviensem Or-
dinarii CENSORIS, Canonizationis B. JOANNIS CANTII
PROCURATORIS. Studii Generalis Almæ Universitatis
Cracoviensis PROCANCELLARII, & Vigilantissimi

RECTORIS.

Biblioteka Jagiellońska



stdr0021951

